



The image shows the front cover of an antique book. The spine is bound in dark brown leather with visible wear and some loss of material at the bottom. The main cover area is decorated with marbled paper featuring a complex, swirling pattern of red, white, blue, and yellow. A small, rectangular red label with a black border is affixed to the upper left portion of the marbled paper, containing the letter 'R' in a black serif font. The corners of the book are reinforced with dark leather, and the overall appearance is one of age and historical value.


R






Yq 766 R

241, 309.





Zonas:

Ein lustigs/ auch
kurzes/ vnd nicht minder nu-
tzes Spiel/ von der Bußpredigt Zone
des Propheten zu Ninive. Vnd wie als
'les Volck der Stadt/ seinen worten
glaube/ vnd ernstliche Buß
gethan habe/re.

Durch
Simon Rothen/ vnd Bal-
thasar Klein/ in einfeltige
Reimen gestellt.



Gedruckt zu Schweinfurt, im
Jahr/ M. D. LXXXII.

Personen dieses Spiels.

1. Prologus.
2. Argumentator.
3. Jonas.
4. Gott.
5. Schiffknecht.
6. Schiffherr.
7. Schiffregent.
8. Der gefangen Jüd.
9. Thorhüter.
10. Epicurer.
11. Ampelknecht.
12. Erster Knab.
13. Ander Knab.
14. Stadtvogt.
15. Erster Bawer.
16. Ander Bawer.
17. Erste Jungfraw.
18. Ander Jungfraw.
19. Hoff Juncker.
20. Hoffmeister.
21. Sankler.
22. König.
23. Epilogus.

Prolo

Prologus:

W Irdig/Edl/Vest/weiß gänstlig Herrn
Ein jeder gnant nach Standes ehren
Auch ihr tugenthafften Frawen/
Vnd all die ihr Spiel wolt schawen/
Wir kommen da für euch herein/
Hoffen sollen euch angnem sein/
Ein newes Spiel habn wir gemacht/
Drinn beyde Lust vnd Nutz bedacht/
Die Weyßn vnd Gehrten wissen zwarn
Das man vor viel hundertn Jarn/
Sehr viel auff ehrlich Spiel gehalten/
Drinn für ward bild Jungen vnd Altn/
Was ihn zuthon odr zlassen wer/
Was auch jedr That für nutz vnd gfehr/
Solchs geschicht noch an manichem ort/
Wo man thewr scheset Gottes wort/
Vnd weñ solchs schon durch Spiel geschicht
Hoff Gott werd darumb zürnen nicht
Drumb biet ich jr liebn Biderleut/
Last euch gfallen zu dieser zeit/
Was wir jekund an spielen wölln/
Lost/dieser wird den innhalt erzehln.

Argumente.

Ninive die großmechtig Stadel/
Die Ninus zum ersten erbaute hat/
Welch gelegen in Assirischen Lande/
War grathen in all Sünd vnd Schand/
Das weder Scham noch Zucht mehr da/
Wie zu Sodom vnd Gomorra
Gesehen war bey Jung vnd Alten/
Das wolt Gott keins wegs vngstrafe halten
Er befohl Jone dem Prophet
Das er bald dahin ziehen thet/
Vnd schrey vber dieselbig Stadt/
Die dolag in solchem vnflut.
Er aber thet zum ersten fliehn/
Vnd wolt Gottes ascheffe nicht nachzulehn
Bis ihn Gott straffe in Meeres Flut/
Da ihn ein Walfisch schlicken thut:
In des Bauch er drey Tag vnd Nacht/
Erkennen lernet Gottes macht/
Vnd bleib doch darinn bey leben/
Der Walfisch thet wider geben.
Heraus wol auff das trucken gstat/
Dieweil er Gott so herzlich bath.
Da befohl er im wie vor thet/
Das er bald zick gehn Ninive:

Vnd

Vnd verkünde ihn allermassin/
Wie er zumor mit ihm verlassin.
Jonas der war gehorsam drat
Er zog dahin in gmelte Stadt/
Da er ein Tagreiß kam hinein/
Da hub er an mit macht zu schreien:
Mit heller Stimb lauter vnd klar/
Ir Niniuur sag euch furwar:
Werd ihr nicht auffhörn vnd Buß than/
So wird ewer Stadt vntergahn/
Noch innerhalb vierzig Tagen.
Da sie solches hörten sagen/
Enderten sie ihr böß Leben/
Da thet ihn Gott d Sünd vergeben.
Dazu auch all ihr Mißthat.
Vnd ward also erhalten die Stadt.
Wie ihr denn nach lengs werd hören/
Drumb schweigt still ist vnser bgeren.

Jonas kompt/ fahet an das
Spiel.

Ich hab nun predigt etlich Jahr/
Dem Volck in Israel fürwar/
Vnd dem König Jerobeam/
Vnd verländet des HERRen Nam.
A iij Wu

Wie Gott allein der HERR seyt/
Jedoch in der Abgötterey/
Vnd aller Sünden vberfluß/
So lebt das Volk on alle Buß/
Dem hilfft kein Predigen noch sagen.
Drumb fürcht ich Gott mit schrecklichen
In Israel Vnder vnd Ober/ (plagn/
Weil sie wider Gott sünden gröben/
Dann ander Heydenische Land/
Welche Gott haben nie erkandt.

Gott.

Jona ein Sohn Amithay/
Was machest du allein da hiez
Jona/komme vnd höre mich.

Jonas.

Was wiltu HERR/hie bin ich?

Gott.

Jona mach dich bald auff vnd geh
In die grosse Stadt Ninive.
Vnd predig ihn Buß/es ist zeit/
Wann es ist ir grosse bößheit/
Auff gen Himmel kommen für mich/
Darumb so predig ihn/ vnd sprich:
Der HERR wird diese Stadt hart plagn/
Da sie noch wird in vierzig tagn/

Vns

Wunder gehn wegen ihrer Sündn/
Ob sie buß theien vnd Gnad sündn.

Jonas.

Ach HERR Gott ich bitte dich/
Ists möglich vbrheb die Botschafft mich.
Gott.

Jona es kan nicht anders gsein/
Drumb zeug nur in die Stadt hinein.

Jonas wider sich selbst.

Ich hab Predigt in Israel.

Ein lange zeit/doch ist ihr Seel
So voll Gottloßr Abgötterey/
Vergleich in Sünden allerley/
So ganz verherttet vnd verstockt/
Wie freundlich ich sie hab gelockt/
Was zuthun von all ihren Sündn.

Den Gott zuvor auch lieh verständig/
Sein heilig Wort durch sein Propheten/
Die doch auch nichts aufrichten thein/
Nun sagt der HERR sich auff vnd geh
In die grisse Stadt Ninive.

In der Stadt die Abgötterey/
Im anfang ist entsprungen frey/
Vnd lautter Heydn sind an dem ort/
Gar nichts wissen von Gottes Wort

A lili Noch

Noch von dem Göttlichen Geseh/
Darumb werd on zweyffel/ich seh/
Nichts aufrichten mit meinem predign/
Viel eh werdens mich beschedign/
Weil sie Gottloß Abgötter sein/
Darumb so wil ich nicht dahin/
Sonder wil vor dem HErrn fliehn/
Vnd eylend da gehn Taphe ziehn.
Hinfahren auff dem Meer tieff/
Dort kompt gefahren gleich ein Schiffe
Die wil ich freundlich reden an/
Ob sie mich mißnemen daruon.
Gott grüsse euch/ihr lieben Leuth:
Schiffknecht.

Danck hab/Was sagst zu dieser zeit.

Jonas.

Es ist an euch mein frenndlich Bitt/
Ihr wöllet mich auch nemen mit/
Weil ihr jetzt vber Meer wolt fahrn/
Den Lohn wil ich euch auch nicht sparn.
Schiffherr.

So stetig herauff wir fahrn daruon/
Wir werden wol eins vmb den Lohn.

Schiffregent zum Schiff,
Knecht.

Belus

Welus schaw/ was erhebt sich dort/
Ein schwarzs Gewülck auß Himels pfort/
Ey schaw wie saust daher so schwindt/
Ein grausamer starcker Sturmwindt/
Schaw wie thut das Meer auffschwelln/
Vnd schlegt so hoch erschrölich Welln/
Die vnserm Schiff mit lautem döß/
Geben so vngesügte Stöß/
An allen Orten es bekümmern/
Wo sie zerstoßn vnd zutrümmern/
So müssen wir all im Meer ertrinckn.

Schiffknecht.

Schaw zu/ das Schiff wil vnter sinckn.
Ach hilff vns du liebr trewer Gott/
In dieser vnser grossen noth.

Schiffherr.

Es muß vnter vns einer ein vrsach
Sein/ das wir habn so groß vngmach.

Schiffregent.

Last vns o Loß werffn/ werdñ wir inne frey
Wer diß vnglücks ein vrsach sey.

Schiffherr.

Wo ist der frembde Mannz
Der heut zu vns herkam.

Schiffknecht.

Er siet dort vnden in dem Schiff/
Gleich also als ob er schlieff.

Schiff herr.

En so helff ihn auch herfür gahn/
Das er seinen Gott rüffe an.

Schiffknecht zum Jona.

Ach wie magestu schlaffen nur/
Stehe bald auff vnd geh herfür.
Vnd schreye auch zu deinem Gott/
Ob ehr vns hülff in dieser not.

Schiffregent.

Nun sein wir alle beysamen/
So losn wir in Gottes Namen.

Sie losen/das Loß trifft auff
Jona.

Schiffknecht.

Seht/seht/das gehet gleich recht an/
Das Loß felt auff den frembden Man.
Da zeig du vns also bald an/
W irumb wir solches vnglück han.
Was sind dein gschefft/von wau kumbst her?
Dein Vatterland vnd Geschlecht vns lehr.

Jonas.

Jch

Ich bin ein Ebreischer Man/
Bet allein Gott den ewign an/
Der mit seiner Allmechtigen Krafft/
Die Himl/die Erd/vnds Meer hat gmache

Schiffherr.

Nun wolan/so sage vns schier/
Was sollen wir anfahn mit dir/
Damit vnd sich des Meers vnruh/
Etwas gestümmers erzeugen thu.

Zonas!

Ach so nempt mich vnd werfft mich drein/
So wird es zu hand stiller sein/
Dann es ist mir ja wol bewist/
Das die vngstümb von meint wegn ist.

Schiffleut.

Himlischer Gott wir bitten dich/
Laß vns nicht kommen in gefell/
Von wegen dieses Menschen Seel/
Laß auch nicht vber vns kommen/
Das vnschuldige Blut des frommen/
Dann O lieber Gott wie du wilt/
Müssen werden all ding erfülle.

Jetzt werffen sie Jonam hinaus/
Vnd ein Schiffknecht spricht.

Schaw

Schaw/schaw/ ein Walfisch zu den stundn/
Hat den Menschen lebendig verschlundn.
Nun wollen wir ein Opfer thon/
Dem Gott aller Ebreer fron/
Vnd ihm sagen Danck/ Lob vnd Ehr/
Schaw wie still ist worden das Meer.
Nun fahrt ehe sich der Wind verkehr.

Nun geht das Schiff hinweg/ vnd
der Fisch leß sich immer in wenig se-
hen. Darnach perr er Jonam
wider auß.

Jonas.

Herr Gott dir sey lob preiß vnd ehr/
Du ließt mich werffen in das Meer/
Das ich wol hab verdient vorlangst/
Zu dir schrie ich in meiner angst/
Da ich lag in des Walfisch Schlund/
Da sanct ich zu der Berge Grund.
Dein Wasserwellen grausamlich/
Die giengen alle vber mich.
Das ich gedacht ich wer für war/
Von dein Angesicht verstoßen gar/
Ich würd forthin nicht mehr anschn
Dein heiligen Templ/ es wer geschehn/
Genslichen vnd aar vmb mein Lebn/
Wail ich mit Wasser war vmbgeben/ vnd

Und mein Seel verzaget in mir/
Da kam doch mein Gebet zu dir/
Mein Gott in dein heiligen Tempel/
Da du einer güth zum Exempel/
Aus dem verderben löst mein Leben/
Das mich der Walfisch speyet eben/
Heraus außs trucken Erderich/
Drumb so wil mir dank opffern ich/
Dem HERN zalen mein Gelübdt/
Der mir halff weil ich war betrübt.
Gott ruffe Jona zum andern
mal.

Hör Jona ein Son Amithay/
Was noch mein Will vnd Befehl sey.
Jonas.

HERN, hie bin ich/Was wiltu mir
Gott.

Geh achn Ninive sag ich dir/
Vnd schrey wider sie mit ganker krafft.
Dann sie ist mit allr Bosheit bhafft.
Wirstu aber solches nicht than/
Noch vbler als zuvor sols dir gan.
Jonas.

Ach HERR Gott nun vergib mir/
Was ich vor hab gesündt vor dir/

Ich will nicht mehr brechn dein Mandat/
Dann es mir gar vbl glungen hat/
Ich zeuch dahin on alle rast/
Wie du mir jetzt befohlen hast/
Wiewol ich fürcht werd bstehn mit schand/
Mit meiner Predigt in jenen Land/
Dann du bist barmherzig vnd milde/
Vnd wird dein Zorn von stundan gstillt/
Also bald man rew vnd leid hat/
So bneid auch von stundan gnad/
Dann wird das Volck ja sagen frey/
Wie das mein Predig erlohn sey.

Gott.

Dem solt gar nicht fragen nach/
Wie ich mit mein erbarmung mach/
Ich erbarm mich vbr wen ich wil/
Vnd lасс nach der Sünden vil/
Vnd solchs alles von mein selbs wegn/
Niemand hat mir ordnung zugebn/
Dann ich allein bin Gott der HERR
Vnd ist neben mir keiner mehr/
Darumb thu bald zu dieser frist/
Was dir von mir befohlen ist.

Zonas.

Ja

Ja HERR ich find kein andern weg/
Das ich dein Horn entrinnen mög/
Ich bitt aber lieber HERR Gott/
Hilff mir in aller meiner not/
Vnd gib mir ein zu jeder stund/
Was ich sol reden mit meinem Mund/
Dann wo du HERR selbs redest nicht/
Da ist als vnser redn entwicht.

Gott.

Dein Herz gang vnbeirübt sein sol/
Glaub nur wil dich beschützen wol.

Jonas.

So seys HERR in deinem Namen/
Gott gesegen euch alle samen.
Hiemit geht Jonas hinweg.

Der ander Actus.

Jetzt gehet ein Jüd herfür/der ein
gefangener zu Ninue ist/klagt sein
Elend/vnd vber der Stadt sünd-
lich leben/vnd spricht.

Ach

NACH HERRE Gott ins Himmels Thron/
Sih doch ein mal mein Ellend an/
Ich bin hie in ein frembden Lande/
Da all Gottes forcht ist unbekande.
Es ist nun mehr dann dreissig Jahr/
Das ich darein gefangen war/
Aus Judea ward ich geföhrt her/
Da ich muß dienen in grosse bschwer/
Doch wolt ich all noth gern leydn/
Wenn ich nur dein Gses nicht müß meiden
Dann so ich dem wil hangen an/
Würd ich verfolgt von jederman/
Verspott/verhöant vnd groß veracht/
Niemand ist der darauß hat acht/
So wil ich aber darumb nit/
Daruon weichen nur einen schrit/
Sonder das Creuz gedültig tragn/
Darunder auch gar nicht verzagn/
Willeicht erledigst mich ein mal
Aus diesem widerwertign fall/
Dann du hast noch nie kein verlahn/
Der dein Gses thet vor Augen han/
Wiewol ich förcht es werd ein farht/
Dis Land vnd Stade gestraffet hart/
So gar ist kein Gottesforcht darinn/
Allehrbarkeit ist welt dahin/

Da

Da regiert stoltz/hoffart/obrmut/
Was jeder vbt ist alles gut/
Fressn/Sauffen/Ehbruch/Hureren/
Vnd ander Sünd werdn gäbet frey/
Dhn alle scheuch vnd ongefehr/
Gleich als ob auch kein Gott nicht wer/
Die Jugend ist ganz vngezogn/
Verbeint/verbubet/vnd verlogn/
In Summa/beyde Land vnd Stadt/
Eigen mitten in allm vnflat/
Darumb kan es nicht lang stehn an/
Es muß ein mal zu boden gahn/
Es komb abr gleich was für ein noth/
So vertrau ich dem lieben Gott/
Er weiß mich wol auß zu führen/
Das mich die straff nicht berühren/
Wie er dem Loth sein Diener thet/
Da er verderbet die fünf Stedt.
Auch dem Noha sein Diener fromb/
Da er dWelt versenckt vmb vnd vmb.
Vnd in summa andern sehr vil/
Die ich jezund nicht nennen wil.
Wen sieh ich aber dorthen gahn
Mich dünckt es sey ein Jüdisch Man/
Es zeigens ja sein Kleider an.

Jonas.

Ich bin nu naß et bey der Stadt/
Sih ein Man dort gegn mir hergah!
Vnd als mich dünckt der gaste mein/
So sol er ar ch mein Landsman sein/
Nun ich wil fort zu ihm dar gahn/
Vnd mit einem gruß sprechen an/
Grüß dich Gott lieber Freunde fromb/

Samuel.

Danck hab/biß mir auch Gott willk omb.
Lieber Freund sag mir on beschwer/
Von wannen kommest du daher?

Jonas.

Ich kemß auß dem Jüdischen Land/
Vnd bin von Gerte daher gesandt.

Samuel.

Gott sey gelobet vnd gepreist/
Der mir einen Landsman zuweist/
Es möcht mir doch nichts auß Erden/
Liebers vnd angnemers werden/
Es frewt sich alles mein gemüth/
Das ich ein sich meines geblüt.

Jonas.

Ich danck auch Gott zu dieser frist/
Daß du mir so gleich bekommen bist.

Samuel

Samuel.

Hör sag mir vnuerborgen frey/
Was dein Werbung vnd gschafft hie sey.

Jonas.

Weil dus begerst/zeig ich dir's an/
Du wirst abt habn kein gfallen dran/
Dann es wird dich auch treffen an.

Samuel.

Sag nun her mein trewer Gesell/
Es treffe mich gleich wie es wöll/
Ich hab mich Gott schon ergeben/
Wie ers macht so ist's mir eben.

Jonas.

Unser Vätter Gott hat mich gsandt/
Ausz Cana her in dieses Landt/
Das ich sol schreyen widr Ninive/
Vnd ihr verkünden anast vnd weh/
Nemlich so sie nicht wird Buß than/
Sols in vierzig tagn vntergahn,

Samuel.

Ich hab mirs warlich wol gedacht/
Vnd erst jetzt bey mir selbs betracht/
Es werde Gott eins mals geschwind
Straffen dieser Stadt schwere Sünd.

B ij Er

Er hat doch vor verschont kein ende/
Das in Sünden gar war verblendet/
Ein mal hat er die ganze Welt/
Mit dem Wasserfluß vbreuschwelt/
Darzu die fünff Stedt zu Sodem/
Ausgereut mit des Feuers flamm/
Doch ist hie keines wegs mein rath/
Das du dich wagest in die Stad:/
Es ist zubjorn du kumbst in gfehr/
Mit solcher erschröcklichen Mähr/
Du weist die Welt wil jez und nie
Hören anders! allein Frid/frid/
Wer ihr von Buß zuwil wil sagn/
Den thut sie ja gar bald verjagn/
Man hett jezt nur gern solch Prophetn/
Die den Leutn die Ohrn küsslen thetn.
Vnd verhießn ihn ein guedign Gott/
Der ihn wolt helffn in aller not/
Ob sie schon darnebn in der Sünd
Verstockt weren vnd gar erblind.
Dieweil du dann kein solcher bist/
Der Zug dir ja nicht zrathen ist.

Jonas.

Ich muß des alles ganz nicht achten/
Sonder den Befelß Gottes betrachten/
Er

Er ist Gott darzu HERR allein/
Sein Wort sol man volziehen sein/
Er kan die sein wol behüten/
Wider der Gottlosen wüten/
Wie er dann hat dem Noah than/
Der Buß hat predigt an vnd an/
Hundert vnd zwainzig ganze Jahr/
Hoff Gott der HERR mich auch bewar.

Samuel.

Es ist ja wol war was du sagst/
Wann dus aber auffschieben magst/
So thus/ist gar mein trewlich bitt.

Zonas.

Mein lieber Bruder rath mirs nit/
Ich weiß was mir begegnet ist/
Wann es dir so wol wer bewäst.
So würdstu mich nicht reizen an/
Das ich solch Reiß sol vnterlan.

Samuel.

So sag mir lieber Brud. r frey/
Was dir doch nur begegnet sey.

Zonas.

Wann du mir gern wilt hören zu/
Nach lenz ich dirs erzelen thu.

Samuel.

B III

Ly

Es was solt mir doch lieber sein/
Dann zuhören dem Landeman mein.

Jonas.

Nun will ich dirs sagen gar gern/
Wirst auch fürwar groß Wunder hörn.

Samuel.

So komb her setz dich da nider/
Laß rasten dein müde glieder.
Solchs zuthun ich annemen thu/
Nun loß/ vnd hör mir fleißig zu/
Da mir Gott ersilich gbotten hat/
Das ich sol ziehn in diese Stadt/
Vnd wider sie schreyen mit macht/
Da hett ich mich anders bedacht/
Ich macht mich auff wolt geflohen sein/
Das Agsicht Gott des Herren mein/
Ich zog hinab biß gen Japho/
Zuhand fand ich ein Schiff alldo/
Den Schiffleuten ich die Schiffmut gab/
Vnd mich auffs Schiff gesetzt hab/
Bald schicket Gott ein starcken Winde
Darzu ein groß vngstümb geschwindt/
Das sich die Schiffleut bsorgten schon/
Das Schiff das würd zu trümmern gan.

Die

Die Schiffregenten warn in Noth/
Ein jeder schrey zu setnem Gott/
Sie warffen auß dem Schiff groß Bärde/
Damit es etwas ringer würdt/
Ich aber gieng zunderst ins Schiff/
Legt mich da fein nider vnd schlieff/
Da gieng ein Schiffman hnab zu mir/
Vnd sprach: Ey wie magst schlaffen nur/
Steh auff vnd schrey zu deinem Gott/
Ob er vns hülff in dieser Noth/
Bald einr zum andern zusagn bgunde/
Laß vns s Loß werffen zu dieser stunde/
Damit wir innen werden frey/
Wer diß vnglücks ein vrsach sey.
Sie thetn dasselb behendiglich/
Sih da fiel das Loß ebn auff mich/
Sie sagten bald zeig vns da an/
Von weß wegn wir solch vnglück han/
Was sind dein gschette von wañ kombst her/
Dein Vatterland vnd Geschlecht vns lehr
Ich sagt: Ich bin ein Jüdisch Mann/
Bet allein Gott den ewign an/
Der mit seiner Almechtign krafft/
Die Himl/ die erd, vnds Meer hat gmacht/
Auff solechs forchten sie ihn noch baß/
Vnd sagen/warumb thestu vns das?
W illj Dann

Dann es war ihn verborgen nicht/
Das ich geflohen Gottes Angesicht/
Ja ich hett sie das selber bricht/
Sie sprachn: Nun wolan sag vns schiert/
Was solln wir anfahren mit dir/
Damit vnd sich des Meers vnruh/
Etwas gstimmers erzeigen ihu/
Ich sagt nempt mich vnd werfft mich drein/
So wird es zu hand stiller sein/
Dannes ist mir ja wol bewist/
Das die vngstumb von meintwegen ist.
Da wolten sie zum Land sein geschifft/
Sie mochten abr vor den Thunnen nicht/
Schrien wider zu Gott herziglich/
Himlische Vatter wir bitten dich/
Laß vns nicht kommen in vngesell/
Von wegen dieses Menschen Seel/
Laß auch nicht vber vns kommen/
Das vnschuldig Blut des frommen/
Dann O lieber Gott wie du wilt/
Müssen werden all dingerfüllt/
Da namens/vnd warffen mich hinauß/
Bald ließ das Meer von seinem strauß/
Erst forchten ihn die Leut fast sehr/
Vnd theten Gott Gläbt vnd Opffer/
Gott aber schickt ein Fisch der ende/

Der

Der verschluckt mich also behende/
In des Bauch war ich drey nacht vnd tag/
Mit grosser angst vnd schwerer klag/
Da schrey ich zu Gott inniglich/
Vnd er hat auch erhöret mich/
Dem Balsisch er gebotten hat/
Das er mich bald gab an das gstat//
Da gbot mir Gott zum andern mal/
Das ich die Keyß verrichten sol.
Also hast ghört zu dieser frist/
Wie es mir dort ergangen ist/
Drumb wird ich mir nicht rathen lan/
Das ich mehr wider Gott solt than/
Dann wil einr haben fried vnd gmach/
So leb er seinem willen nach.

Samuel.

Ich hab bey alle meinen tagn/
Solch Wunder nie ghört/mag ich sagn/
Ach wie gwaltig ist vnser Gott/
Nun zeuch nur hin nach sein Gebot/
Wir wölln ihm heimstellen all sachn/
Er weiß mit seinen wol zumachn.

Jonas.

Ich geh dahin/behüt dich Gott.

Samuel.

W v

Dich

Dich auch dergleich vor aller not.
Er zeucht dahin der gute Mann/
Der liebe Gott wöll ihm beystahn/
Das er sein wort ganz wol verricht/
Vnd ihm darob gschech arges nicht.

Der dritte Actus.

Nun kompt Jonas vnder das
Stadthor/ vnd spricht.

Nun bin ich hie vnter dem Thor/
All mein haar stehen mir empor/
Das ich ein solchn mechtigen Stadt/
Verkünden sol Gottes vngnad/
Es kan aber nicht anders sein/
Drumb wil ichs gradt wagen hinein.

Hie laufft ihm ein Thorhüter
nach/ vnd sagt.

Thorhüter.

Hör Mann/ gehe nicht also fort/
Laß mitch mit dir reden ein Wort/
Da zeig mir bald an wer du bist/
Vnd auch was dein geschafft hie ist.

Jonas.

Ich

Ich bin ein Hebreischer Mann/
Groß Gschefft ich zuverrichten han/
Welche mir Gottes Maiestat/
Selbs zuverrichten befohlen hat/
Was aber dasselbig werde sein/
Wirstu hernach erindert sein.

Thorhüter.

Nun schaw geh mit rechten sachen vmb/
Das ich nicht sampt dir in vnglück komb.
Drumb das ich dich thet lassen ein/
Zeuch hin/ verricht die sache dein.

Zonas.

Lieber sag mir wie weit ich han/
Das ich komb an den größten plan.

Thorhüter.

Fünff Meilen hastu nur gar wol/
Wann ich die warheit sagen sol/
Dann d Stadt begreiffet in irn vmbk eißß/
Drey guter vnd langer Tagreiß.

Zonas.

Nun sey es gleich wie weit es wöll/
Die Reiß ich je verrichten soll/
Behüt dich Gott ich geh daruon.

Thorhüter.

Dich

Dich auch desiggleich mein lieber Man/
 Nun wil ich warlich gerne hörn/
 Was das für ein Botschafft wird wern/
 Ich bsorg mich nür vnd förcht mir hart/
 Es werd vnser Stadt gestrafft ein fart/
 Dann all Sünd hat gnommen vbrhand/
 Es ist auff erdt nichts mehr als schand/
 Man lebt wies Viech mutwillig frey/
 In allr vnkeusch vnd füllerey/
 Ohn alle scheuch/ohn als gefehr/
 Gleich als ob auch ein Gott nicht wer/
 Fürwar es bringt vns groß gefehr/
 Gewiß die Botschafft geht nicht leer.

Epicurus.

Du weißt gar vberauß wol/
 Was zukünfftig geschehen sol/
 Hast nie kein alt Narren gesehn/
 Die du fürgeben vnd verjehn/
 Du sagst das die Stadt gstraffet werd/
 Nun wolt ich wetten ob einr auff erd
 Wer/der sich auch dörfst vnderstahn/
 Ein solche Stadt zu greiffen an/
 Sol dann sonst ein vnfall kommen/
 Wie du dich jetzt lest vernemen/
 So ist mein trewer rath zuvor ab/
 Das man ein gutes Mätlein hab/

Wilt essen trincken tag vnd nacht/
Leben in allem lust vnd pracht/
Hey bringn wir doch nicht mehr daruon/
Dann essn vnd trincken vmb vnd an/
So hat es kein einige not/
Wer weiß ob indert sey ein Gott/
Vnd ob es gleichwol war thut sein/
Wil ich gehen zum kühlen Wein/
Wir nemen einen guten muth/
Truz einem der mirs wehren thut.

Therhüter.

Ach/ach/wir sein all vngerecht/
Wie man dann an vns spüret schlecht/
So mag ich doch mit warheit jehn/
Kein Gottlofern Menschen hab gsehn/
Nicht wunder wer ein ganze Stadt/
Versänck wegen eins solch vnflat/
Vnd wann ich ein Obrigkeit wer/
Vmb solche Red kem er in gsehr/

Nun kompt Jonas vnd schreyet
zum ersten mal/sagt zuwor.

Da bin ich an eim Volckreichn plan/
Nun wil ich zu schreyen fahen an/
Ach Gott gib mir ein starckes hertz/
Fürwar es ist mir auß dem scherz/

Wail

Weil ich noch war in meinem Land/
Bat ich dich vmb hilff vnd beystand/
Dann wo nicht ist dein hilff vnd gunst/
Da ist all vnser thun vmb sonst.

Gott.

Zona hab guten Glaubn vnd vertrawen/
Erheb dein Stimb wie ein Posaun/
Verkündt mein Volck ihr missethat/
Die sie bißher begangen hat/
Schrey/schrey/sag ich mit ganzer krafft/
Ich wil dich bschützen mit meiner macht.

Zonas.

O Ninive/O Ninive/
Ich verkünde dir grosse weh/
In vierzg Tagn wirstu vndergahn/
So ferr du nicht wirst Busse than/
Hör auff/steh ab von Sünden dein/
Villeycht wird Gott barmherzig sein.

Da lauffen böse Buben her zu
spotten des propheten Jone.

Der Erst.

Lauffe Buben last vns losen zu/
Was der alt Mann dort schreyen thu.

Der Ander.

Ey

Er laß ihn schreyen was er wil/
Wir wollen aufwarten vnserm Spiel.

Der Erst.

Das Spiel wird mir nicht lauffen hin/
Ich wil lösen ein weil auff ihn.

Zonas schreyt zum andern
mal.

O Ninive/O Nintue/2c. Wie zuuor.

Erst Knab.

Was gäbist du alter Göckman/
Wier Sol vnser Stadt vntergahn.

Zonas.

Ja gwiß/wann ihr nicht Buß werd than.

Andtr Knab.

Du wirst lig du alter Fasshang/
Hettu wir Semmel zu essn so lang/
Vnd gutt süßen Meht zu trincken/
Bis vnser Stadt würd versincken.

Der Amptknecht.

Er so hebt euch weg ihr bösn Kind/
Ihr wißet nicht wer die Leut sind/

Vnd

Vnd lasset den Mann vnuerpott/
Villichet kommet er her von Gott/
Vdr ich wil euch das Maul zerbehrn/
Vnd ewrem gspött mit prüglen wehrn/
Dann habt ihr nie gehört sagn/
Was gschehen sey vor alten tagn/
Da auch etliche Buben hetten
Verspottet einen solch'n Prophetn/
Da schicket Gott zuhand zwen Bern/
Die thet'n die bösen Buben verzehr'n.
Es darff euch auch geschehen wol/
Dieweil ihr des gspöts seyt so vol.

Jetzt schreyet Jonas zum drit-
ten mal.

O Ninive/ze. Wie zuuor.

Der ander Knecht.

Ich sags fürwar on alles scherzn/
Des Mans geschrey geht mir zu herzn/
Es wird fürwar vmb sonst nicht sein/
Ich wil gehn zum Stadtvogt hinein/
Vnd ihm anzeigen solche mæer/
Obs ihm villichet/ noch verborgn wer.

Schiffman.

Ich sag euch fürwar lieben Leut/
Last euch die Mæer zu herzn gehn heut.
Vnd

Vnd halt es gewiß für keinen thande/
Dann der Mann ist mir auch bekande/
Ich sah in dort auff Meres tham/
Da ein groß vngstümb an vns kam/
Also das wir verzagten schon/
Das Schiff das wurd zu trümmern gan
Er sagt vns dort viel selzam Nähr/
Wie das ihm von Gott gbotten wer/
Zu ziehen her in diese Stadt/
Ihr zuuerkländen sein vngnad/
Er ward dort gworffen in Meres flut/
Darumb mich hoch verwundern thut/
Wie er sey kommen dieser endt/
Er muß ja sein von Gott gesendt/
Darumb ist ihm zu glauben wol/
Sein warnung niemand verachten sol.

Der Stadvogt zum Amptknecht.
Amptknecht du kombst gleich recht zu mir/
Ich hab grad vmb gesand nach dir/
Mich dänckt hab hörn schreyen ein Mann/
Ich fundt in abe nicht recht verstahn/
Was er doch anzeiget für Nähr.

Amptknecht.

O Stadvogt hochweiser Herre/
E

Er

Er sagt die Stadt werd vntergahn/
So ferr man nicht Buß werde than/
Solchs sol gschehn inner vierzig tagn/
Ich gieng drumh her/vnd wolts euch sagen

Der Stadtvogt.

Das ist fürwar/fürwar kein scherz/
Es erschreckt mir gar hart mein Herz/
Es ist mir offte/was sol ich laugn/
Sehr vmbgangen vor meinen Augn/
Die Sünd der Menschen ist zu groß/
Jederman lebet sehr Gottloß/
So ist sekund ein grosse sünd/
Das man nicht zeucht die jungen Kind/
Man lests auffwachsen frech vnd stoltz/
In allermassn wies Gabelholz/
Drauß ist kommen als man sieht wol/
Das die Stadt ist bösr Buben voll/
Drumb ist's billich das die Gottes Ruch/
Schon einmal vbr vns kommen thut/
Doch solln wir bitten den lieben Gott/
Das er vns bgnad in solcher noth.
Vnd es begibt sich gradt recht heindt/
Das d'Elsten der Stade beynander seind/
Den wil ich die Sach fürtragen/
Vnd hörn was sie darzu sagen/

Nun

Nun will ich zu in gehn hinein/
Amptknecht du solst drauß warten mein/

Amptknecht.

Hochweiser Herr ich will warten schon/
Vnd wil nicht weit von hinnen gahn/

Amptknecht wider sich selbs.

Nun will ich gern sehn meine Herrn/
Jest in solcher sach handeln wern/
Ich acht es werd der nachste weg/
Das man die Leut zur Buß vermdg/
Vnd wird dasselb der Rathschlag sein/
So müßn auch dran die Schenckel mein
Es ist auch auff mich eben recht/
Ich bin vnd muß bleiben ein Knecht/
Darumb ich trewlich dienen sol/
Villeicht wird mir gelohnet wol/
Dann es ist ein gemein Sprichwort/
Das ich selber offit hab gehort/
Wer wol diene/dem wird wol gelohnt/
Vntrewer dienst kein geluck hont.

Stadtoogt kompt wider vber ein
gute weil.

Mein Herrn haben sich fürs bedacht/
Vad ja d. a besten anschlag gmacht/
E ij Drumb

Drumb Amptknecht geh hin bald vnd schle
Andr Stadtdiener nimb viel zu dier
Vnd ziehet auß die ganze Stadt/
In all Gassen als viel sie hat/
Rüff: t jert auß bald vnd behende/
Buß zu wirken an allem endt/
Mit fasten/beten/darzu auch/
Im Sack vnd Aschn nach allem braud
Hierinn sol niemind außgenommen sein/
Weder Juna noch Alt/groß oder klein/
Ob sich leicht Gott ließ erbitten/
Vnd solche straff blieb vermitten.
Amptknecht.

Weissr Herr ich thu zu dieser frist/
Was mir von euch befohlen ist.

Der vierdte Actus.

Nun geht Jonas zur Stadt hin.
auß/setzt sich/vnd sagt wider sich selbs.
Nun wil ich erwarten den vierzigstn Tag/
Das kommen sol dieser Stadt plag/
Ich wil da sign vnd sehen zu/
Was Gott mit dieser Stadte thu/
Vnd wie diß Gottloß Ninive/
Zufallen werd vnd vnterreh/
Mit Vich vnd Leutn vnter die Erdn/
W

Wie wird ein gschrey vnd prasseln werdne.

Jetzt kommen zween Bauru.

Der Erste.

Gräß dich Gott mein lieber Nachbawr.

Der Ander.

Danck hab/mein sag/wie sichst so sawr/

Vnd wie bistu also erblichn/

Ich mein es sey hir was vbr dLebr gstrichn.

Der Erste.

Es hat mich jetzt dort vorn am Plan/

Gar hart erschreckt ein frembder Man/

Der hat geschrien so erbermlich/

Das ich nebn andern entsetzet mich/

Er machet mich auch ganz verzagt.

Der Ander.

Ey lieber was hat er dann gsagt/

Der Erste.

Er sagt von viel straff vnd schwern plagn/

Die kommen solln in kurzen tagen/

Vbr diese Stadt vnd ganges Landt.

Der Ander.

Ha/ha/ich halts als für ein thande/

Dann solts also sein gwiß vnd war/

Was man hat gsagt jetzt nun viel Jar/

Hoes wer vnser alle kein bißin/
Ey wie woln nur die Menschen wißin/
Wen Gott wil straffen oder nie/
Laß fahren dein forcht das ist mein Bitt/
Der Erste.

Nachbar/ich wolt es wer erlogn/
Er hats abt auß kein Finger gßogn/
Was er öffentlich hat veründt/
Dazu hat jedunde alle sündt/
Bey vns genommen oberhandt/
So wot in Steden als auff dem Lande/
Die wird je Gott nicht vngstrafft lan/
Wie man vns Predigt an vnd an/
Ich hab nur sorg/wie ich dir sag/
Entwedt es wird komn der Jüngst tag/
Oder es wird werdñ ein grosser sterbn/
Hunger/Krieg oder ein ander verderbn/
Ind leng kan es nicht stehen an/
Es muß vns ein Nadt vbrn puctl gahn/
Dann wir seind ganz vnd gar entwichen/
Weder singn noch sagn hilffet nicht/
Man seh an vnser Sön/ Knecht vnd Nedy/
Wie bey in ist kein bscheydenheit/
Der meist theil ist auff dhoffart griche/
Vnd können doch recht beten nicht/
So hörn wir auch teglich allsamen/
121

Wie man leidet Gottes Namen/
Sein Leiden/Wunden/Sacrament/
Wird alles von vns spölich gnedt/
Kein Fluch so hoch ward nie erdacht/
Oder er wird jetzt herfür gebracht/
Grosse Kranckheit vnd schwere plag/
Wündschñ wir einander auch all tag/
Vnd thun solchs nicht die Alten allein/
Es ist auch bey den Jüngsten gemein/
Der Regen ist voll/wird reissen ein fart/
Fürwar/fürwar ich fürcht mir hart.

Der Ander.

Nun wolan es geh wie es will/
Es sol mich nicht kummeren vill/
Ich wil mir nemen ein gutn muth/
Was ist's das sich einr fast gremen thut/
Komb ich weiß ein gutn kühlen Wein.

Der Erste.

Jetzt nicht/ich muß lenger hie sein/
Vnd sehn wie es doch weitr wird gan.

Der Ander.

Ey bhüt dich Gott/so geh ich daruon.
Jetzt kommen zwo Jungfrawen.

Die Erste.

Gräß dich Gott liebe Erster.

Die Ander.

Dand

Danck hab mein liebe Schwester/
Ach lieb Schwester sag was dir ist/
Das du nun also trawrig sichst.

Die Erst.

Es hat mich am platz vor vnserm Hauß/
Ein Mann so hart erschreckt vbrauß.

Die Ander.

Ach was wird es doch nur sein.

Die Erst.

Du liebe Schwester mein/
Es thun die frommen Prediger lehren/
Buß zu thun vnd vns bekehren/
Dieweil wir solchs nicht nemen zherren/
So wil vns Gott straffen mit schmerzen/
Vnd hat ebn gschrien dieser Mann/
Werdn wir vns nit bkern vnd abstahn/
Von sündn so wird d Stadt vntergahn.

Die Ander.

Ja drum bhan d Herrn außruffen lan/
Das wir kein Schmuck solln tragen an/
Ich hett erst ein newes Muster gsehn/
Drumb wolt ich ject zum Schneider gehn/
Vnd mir auch ein solchs machen lan.

Die Erste.

Ach

Neh mein lieb Schwester du soltes nit than
Dieweil vns Gott hat warnen laßn/
Das wir vns der Sünden solln maßn/
Dweil dann hoffart auch ein Sünd ist/
Nath ich das du auch darnon lest.

Die Ander.

Was solt die Hoffart Sünde sein.

Die Erste.

Ja wol du liebe Schwester mein.

Die ander leufft hinweg.

Das kan ich glauben nit!

Drumb laß mich nur zriede.

Jetzt kommen zwen Hoffjuncfern.

Hoffjuncfer.

Hoffmeister/wündsch euch ein guten tag.

Hoffmeister.

Danck habt jr/was ist guts news dsagz

Hoffjuncfer.

Zeh weiß gleich jekund von nichten!

Wist ihr etwas/wolt mich brichten.

Hoffmeister.

Zeh weiß anders nichts dieser frist!

Dann das vnser König gar trawrig ist.

E v Hoffe

Hoffiuncker.

Gewiß es wird ihn etwas anten /
Ein böß Botschafft auß frembden Landn-
Doch hab ich ein wenig vernommen /
Das vñ Got ein schrecklich botschafft komn.
Wie das sich sein Göttlich genad /
Gar hart erzürnt hab vber dStade /
Wegn vnser Laster vnd sünden groß /
Die wir tribn han on vnterl aß /
Mit vbrigm sauffen vnd auch freßn /
Darben seins Nams vnd Ebot vergessn.
Vnd noch andr grober sünden viel /
Die ich jetzt nicht erzelen wil /

Hoffmeister.

Ach hilff vns Gott im höchsten Thron /
Das wir vns bekehren vnd Busse thon /

Hoffiuncker.

Das helffe vns Gott allen samen.
Vmb seins heiligen benedeytn Namen /
Herr Hoffmeister es wird nun zelt sein.
Das wir gehen gen Hoffhinein.

Hoffmeister.

Ja wir wolln nicht lenger hie stehn /
Wir wolln miteinander gen Hoff gehn /
Vnd

Vnd auff dem Königlichem Saal/
Wase dienst verrichten wie andre mal/
Jetzt wechß der Kürbiß vber Jo-
nam / vnd Jona spricht.

Nun frew ich mich im herken auch/
Des schönen Beumleins oder strauch/
Das mir am schatten nicht gebrech/
Die Sonn mich auff mein haupt nit steck/
Ich merck der Herr wil mir gar wol/
Das Beumlein macht mich freuden vol.

Jetzt kompt der Cantzler.

Ein seltsam ding hab ich vernommen/
Wie das ein Mann jetzt her sey komn/
Welcher dieser großmechtigen Stadt/
Ein küniglichs verderben verkündet hat/
Mir hat auch angezeigt der Diener mein/
Man laß in der gangen Stadt ausschreyen/
Das Jung vnd Alt thu rechte Buß/
Dem König ichs anzeigen muß/
Vielleicht thut er auch was darzu/
Darmit diese sache bleib zur ruh.

Jetzt kompt der König / setzt sich / vnd redet
mit ihm selbs also.

Nun ich bin gleichwol ein König anant/
Regier vber viel Leut vnd Landt/
Wenn ich aber dsach bedenk recht/
So find ich mich den größten knecht/

Dann ich sol dienen jederman/
Im fried erhalten mein Vntertan/
Was gut ist fürdern: das böß zerstörn/
Vnd allem vnratß im Land wehren.
Vsonder sol ich die Gottes chr/
Fürdern vnd stewart je lenger je mehr/
Ab Lader es geht fast mit zu/
Die würd ich wol gern haben thu/
Müß vnd arbeit geht mir nicht ein/
Ich legs aber auff die Kette mein/
Da geht es dann auch wie ich mag/
Drumb ist vberal ein grosse klag/
Wie das nun in dem ganzen Landt/
All bößheit hab gnommen vberhandt/
An solchem bin ich schuldig viel/
Weil ich mein Ampt nicht vben will/
Dann es ist ein gemein Sprichwort/
Das ich selber oft hab gehort:
Gleich wie der König gschaffen ist/
Also auch sein Volck zu aller frist/
Doch ist das darægen auch war
Dis das Volck stet von Jar zu Jar/
Jumerdar halßstarriger wird/
Vnd kan sich verlich werden regiert/
Wilst ons schiffen vnd bieten viel/
Doch dar: vben was gern wil/
Drumb

Darumb dunckt mich ich schmeck den Prach

Die sach wird ein mal vbl gerathn/

Vnd das oberst zum vnderstn gahn/

Wird man nicht anders darzu than.

Es geht abr jetzt mein Cansler hrein/

Er dunckt mich etwas trawrig sein.

O Cansler gehstu auch daher/

Was bringstu vns für newe mähr.

Cansler.

Viel guter Mähr zu diesen tagn/

Welß ich euch König nicht zu sagn.

König.

Es seind leicht böse Mähr vorhanden.

Cansler.

Ja Herr es ist auß frembden Landn

Erst heint ein Manne herkommen/

Der leß sich öffentlich vernemmen/

Wie das er sey gesandt ein Vott/

Von dem wahren Himlischen Gott/

An zuzeign diesem Land vnd Stadt/

Das sie wegn ihrer missethat/

Verderben werdñ in vierzig tagn/

So man nicht wird rew vnd leid fragñ/

Drumb habn die Elften in der Stadt/

Außgehn lassen ein mündlich Mandat/

Das

Das man allenthalb ankgschrien hat/
Damit sich beyde Jung vnd alt/
Wit fastn vnd betn vupwrtzig halt/
Solchs hab ich ewr Majstat wöln zeign an
Was sie nun darzu wölen than/
Darauff mögen sie sich bedencken.

König.

Fürwar die mir thut mich krencken/
Nicht so fast von wegn meines standt/
Viel mehr ist mir vmbso ganze Land/
Sols dann in kürz zu boden gahn/
So erbarmt Gott im höchsten Thron/
Doch tröst mich das ich vernommen/
Das wir durch Buß zu gnad kommen/
Will vns Gott also entbinden.
Wie sein Gsandter thet verkünden/
So laß mans an feiner Buß erwindn/
Vnd weil die sach leid kein verzug/
Auch kein verlengung noch auffschub/
So wil ich mich nicht lang berathn/
Mit mein Fürsten vnd Potentatn/
Sonder die sach selbs greiffen an/
Wie ich dann des guten fuz han.

Sankler.

Da

Ja Gnediger Herr in Göttelein sachn/
Sol man nicht lang vil ansehleg machn.
Sonder schlecht sein willn kommen nach/
So erkriegt man am ersten gmach/
Wenn man abr viel Köpff fragen thut/
So wird die sach gar selten gut/
Dann einr sagt weis der ander schwarz/
Der wil auff der ander abwarts/
Wie wirs dann nun eeliche Jar/
Leidr all zuuill han gnommen war/
Drumb thut Königlich Mayestat rechte/
Das sie Gottes Befelh nachfehre schlechte

König.

Well im ie Gott fürgnommen hat/
Zu straffen vnser missehat/
Nach seiner strengen Gerechtigkeit/
Vnd doch verheist Barmhertzigkeit/
Also das wir Gnad sollen findn/
Wenn wir abstehn von vnsern sündn/
So find ich ja kein bessern weg/
Dann das man dLeut zur Buß vermög/
Nun wiewol ich vernommen han/
Vnd ist auch rechte vnd wol gethan/
Das die Eltesten vnser Stadt/
Mit einander sind wordn zu rath/
Das

Das sie hie durch alle gassen/
Das Volck habn vermanen lassen/
Damit es beßr sein sündigs lebn/
Thu sich zu wahrer Buß begeben/
So weiß man abr derneben wol/
Das der gemein Vöfel ist so toll/
Das er sich nicht leicht leßt bewegn/
Vnd ihm ein hertes Biß einlegn/
Darumb bin ich endlich bedacht/
Vnd solchs auß Königlichem macht/
Das ich in die Stadt vnd des gleich/
Durchauß in mein ganz Königreich/
New ernstlich Mandat außschickn wol/
Drumb Cansler du dich schicken solt/
Damit fürderlich vnd behend/
Geschrieben werda etlich Instrument.

Cansler.

Herr König ich wil mich saumen nicht/
Wenn ich nur hab ein lautern Brich/
Wie man doch endlich schreiben sol.

König.

Dae wil ich dich berichten wol/
Schreib es sen mein ernstlich Mandat/
Vbers ganz Königreich vnd diese Stat/
Das durchauß alle Menschen Kind/

Als viel ihr in vnserm Reich sind/
Eich von ihrem argen leben/
Zu New vnd wahrer Buß bgeben/
Vnd das man wiß das ernst sey/
Sol auch werden gemelt darbey/
Das man ernstliche Fasten halt/
Welche sol sein also gestalt/
Es durch auß weder Mensch noch Vieh/
In dreyen Tagn nem Speiß zu sich/
Noch weder Ross/Eßl/Dachs noch Rinde/
Auch Schaf vnd Geiß/geb was es sind/
Die sol man weder speißen noch trencken/
Sonder alles mit Seckn behencken/
Vnd das jedrman in solcher Noth/
Mit macht schrey zum Himlischen Gott/
Weicht möcht er sein Zorn wenden/
Vnd darfür sein erbarmung senden/
So viel sey des Mandats innhalt/
Nun geh hin vnd verfertigs bald/
Vnd schick es auß in alle endt/
Das ihm volziehung gscheh behende.

Cantzler.

Gnedtgesten König ich halt/
Wöll die Botten abfertign bald.
Der König stehet auff/vnd
spricht.

D

Ich

Ich weiß wenn ein Herr etwas schafft/
Will ehr das es hab gute krafft.
Soll ehr das selb Gebott mit willn/
Durch eigene That auch erfüllen.
Drumb steh ich auff von meinem Thron/
Wil abthun mein Kleid Zepter vnd Kron
Mich im Sack vnd Aschen erzeign.
Auch ganz vnd gar zur Erden neign/
Das man mich demütiger sir.d/
Dann alle so jetzund hie sind/
Ich kenn mich auch vnder andern all/
Ein grossn Sünder in gleichem fall.

Der fünffte Actus.

Jonas.

Nun ist heute der halbe Tag/
Ich sich noch weder straff noch plag/
Vbr Ninive die arge Stadt/
Wie Gott durch mich verkündet hat/
Nun ist mir dieser Kürbiß strauch/
Zu grossem leid verdorret auch/
Die Sonn thut auff mein heupt jetzt steet
Darumb so wünsch ich vnd mag sprech
Ich wolt das ich gestorben wer.
Jetzt kompt der König mit sein Hof
gesind / haben Seck vmb sich gehült / bitt also

W. 12

O Ewiger Gott im Himmelreich/
Wir Menschen Kinder allzugleich/
Haben mit vnser mißthat/
Gar hoch erzürnt dein Maieſtat/
Dann vnſer aller ganzes leben/
Iſt den Sünden vntergeben/
In vns iſt gut weder haut noch har/
Wir ſind durchauß verderbet gar/
Es iſt doch vnter vns keiner mehr/
Der guts zu thun heit luſt vnd bger/
Wir wollen ſein gar hoch geacht/
Vnd führen ſehr ein groſſen pracht/
Aber vnſer thun iſt als verlorn/
Wenn anbricht dein Göttlicher Zorn/
O Gott ſtraff nicht in deinem grim/
Vnſer Bitt vnd Buß ſetzt auffnim/
Dann wir ſeind ſchwach O lieber HErr/
Vnd vnſer Gbein erſchreckt ſehr/
Dazu iſt vnſer Herrs vnd Gmüth/
Ganz vnd gar in den Todt betrübt/
O HErr ſehr vmb vnd laß vns leb/
Deiner Gnad thun wir vns ergeben/
Belehre vns Herr/ſo werden wir blere/
Vnd wird dein Göttlicher Nam geehret/
Führſtu vns dann in Todtes thal/
Wer wird dich loben dazumal/

Nur die Lebendigen O HERR/
Werden verkündn dein lob vnd ehr/
Sih an HERR vnser sehnlich bitt/
Verschmich auch vnser Buß jetzt nit/
Schaw wie sitzen wir hie in Asch/
Vnd vnser Wangn mit zehren gwasch/
Sie fasten jetzt drey ganzer Tag/
Das niemand keiner Speiß drinn pfe/
Solches wer ja wol alles nicht/
Wann die hertzn nicht auff dich gericht/
Sie sehen abr zu dir O Gott/
Darumb hilff jetzt auß dieser not/
Der Stadt vnd auch dem ganken Lande/
So wird dein Lob bey vns bekande/

Gott.

Dieses Volck überwältigt mich/
Vnd reißt mein Gnad mit gwalt zu sich/
Ihr Herz wircket auff rechte Buß/
Drumb ich mich ihr erbarmen muß/
Vnd jetzt abwenden meinen Zorn/
Den ich ihn durch Jonam geschworn/
Standt auff König vnd sey getrost/
Du vnd dein Volck seyd all erlöst.

Der König steht auff.

Jer

Irzt lebe mein Herz in rechter freud/
Diemeil ich hab so gnedign bscheid/
Gelobt sey Gott im Himels Thron/
Der vns so grosse güth hat than/
Er ist der recht war einig Gott/
Der kan helffen auß aller not/
Ander Nothelffer sind entwichet/
So ihn die Menschen habn erdichtet/
Allein dieß Gott sol sein bekandt/
Ganz allem Volck in meinem Lande/
Sein heiligs Wort vnd Gsah zugleich/
Sol gehalten werdn in meinem Reich/
All Abgöttrey wil ich zerstörn/
Allein diesen Gott muß man ehren/
Der Himl vnd Erdt beschaffen hat/
Vnd vns jetzt so gütiglich bgnad/

Jonas zürnet aher.

Ach Gott ich bin betrübt von Herzn/
Das wesen macht mir grossen schmerzn/
Es ist mir ja wol gangen zu/
Was ich jetzt redt vnd klagen thu/
Weil ich noch war in meinem Land/
Hat mich es zuuor wol geant/
Ich slog auch drumb gen Tharsis bhende/
Denn ich hab lieber Gott wol kende/

Dein grundlose Barmherzigkeit/
Dein mild vnd auch dein gütigkeit/
Vnd in summa/dein trew so gut/
Als bald der Mensch bekehren thut/
Sein arges vnd böses leben/
So thustu jm als vergeben/
Als bald man nur vmbkehren thut/
Von stund an wirffst auch weg die Ruch
Darumb O Herr nim ject von mir/
Die Seel ist mein höchste begier/
Dann sterben mir viel lieber ist
Dann lenger leb'n zu dieser frist/
Sich zu lügen muß ich ject stahn/
In dem was ich verkündigt han.

Gott.

O Zona du bist vnrecht dran/
Du wolst ich sol etns Beumleins schon/
An dem du weder pflantz noch amacht/
Ich ließ es wachsen in einer Nacht/
In einem Tag wars wider hin/
Vnd zürnst das ich genedig bin/
Gegn Ninive der großmechtigen Stader/
Die auffser alle Viechs in ihr hat/
Mehr daß hundert vñ zweintzig tausent kñd
Die nicht als viel berichtet sind/

Das

Das sie wissen in irn verstande/

Welchs sey die linck oder rechte Hand.
Was antworts du nun darauff mir.

Jonas.

D HERR ich hab gsündigt vor dir/
Du bist in all dein vrtheil gerecht/

Ich heiß mich ein vnnützen Knecht/
Nun mach ich mich jetzt auff zuhand/

Vnd zieh wider in mein Vatterland/

Euch gesegne der liebe Gott/

Vnd bhüt euch all vor künfftigr not.

Beschluß.

Also habet ihr lieben Leut/

Wilt aller kürz gehöret heut/

Die ganz ernstlich Historien/

Wie es gangen mit Nininiten/

Der großmechtign vnd gewaltign Stadt/

Die da lag in allem vnflat/

Darumb sie dann Gott hat wollen/

Ganz zu grund vnd boden jellen/

Doch hat er solches nicht gethan/

Sonder zuvor geschickt sein Botten an/

Der sie irer Sünd erinnern solt/

Ob sie sich leicht bekehren wolt/


D iiii


Von


Von iher sünd vnd misseethae/
Damit sie ihn erzürnet hat/
Wie sie dann allzeit trewlich thut/
Wann er etwan wil schicken ein Ruth/
So sendet er allweg zuuorn/
Verkänder seines grimmign zorn.
Als auch geschicht zu vnser zeit/
Da die gang Welt in sünden leit/
Mehr dann zu dero zeit Noha/
Oder Sodom vnd Gomorra/
Auch mehr dann zu Niniveen/
Sie all nur Heyden gewesen sein/
Welche nicht gewußt habn lauter frey/
Was doch der wille Gottes sey/
Wir aber wölln Christn sein genant/
Den der Will Gottes wol bekandt/
Durch sein Göttlich Wort heittr vnd klar/
Welchs weil d'Welt gstandn kaum heller
Vnd leben doch wenig darnach/ (war/
Drumb han wir zwarten grossen rach/
Last vns abr den trewen Gott gut/
Fallen in seine gzuockte Ruth/
Mit fastn vnd beten/ Auch wahrer Buß/
Die in allweg darbey sein muß.
Wie die Ninsuitter haben gethan/
Gwiß er wird auch sein Zorn lan. Und

Vnd abbrechn sein Ruch vngewer/
Dieselb hinwerffen in das Feuer/
Dann hat er solchs den Heyden ghan/
Viel grösser hoffnung solln wir han/
Begert ihr solches alle samen/
So thut Buß vnd sprechent Amen/
Amen das wir von Sünd werdñ rein.
Wündschet euch allen Balthasar klein.

Gedruckt zu Schweinfurt/durch
Valentin Kröner.








Litt. germ.

7. 325





Biblioteka Jagiellońska



stdr0035988

